

**Objavljena prvostepena presuda Kantonalnog suda u Tuzli
u predmetu organiziranog kriminala**

31.05.2022. godine

Kantonalni sud u Tuzli u predmetu broj 03 0 K 015945 18 K – „Fortuna Gračanica“ objavio je prvostepenu nepravosnažnu presudu protiv optuženih Pjanić Bakira i Muharemović Ibrahima, zbog krivičnog djela – organizirani kriminal u vezi sa produženim krivičnim djelom – zloupotreba položaja ili ovlaštenja i krivičnim djelom – pranje novca, te im izrekao jedinstvene kazne zatvora u trajanju od po 7 (sedam) godina.

Istom presudom stečajni upravnik u Fabrici „Fortuna Gračanica“ optuženi Muhamed Hadžić osuđen je na kaznu zatvora u trajanju od 3 (tri) godine i 6 (šest) mjeseci, zbog krivičnog djela – zloupotreba položaja ili ovlaštenja, počinjenog u sticaju sa krivičnim djelom – krivotvorenje isprave, ali ne kao član pomenute grupe.

U objavi presude navedeno je da se po pravosnažnosti presude od optuženog Pjanić Bakira oduzima imovinska korist stečena krivičnim djelom u iznosu od 320.000,00 KM, a od optuženog Muharemović Ibrahima u iznosu od 156.000 Eura.